

## Sakspapir

| Saksnr | Utvalg        | Type | Dato       |
|--------|---------------|------|------------|
| 087/20 | Formannskapet | PS   | 11.06.2020 |

| Saksbehandler       | Arkiv          | ArkivsakID |
|---------------------|----------------|------------|
| Asbjørn Nagell Toft | FA-C22, FA-K11 | 20/104     |

### Toalettanlegg ved Dagsturhytte i Austrheim kommune på gbnr. 131/277 - Vardetangen

#### Framlegg til vedtak:

Austrheim kommune etablerer universelt utforma toalettanlegg ved Dagsturhytta ved Vardetangen. Signering av kontrakt om leveranse og bygging av toalettanlegg vert gjort med leverandøren som får anbodet av Vestland fylkeskommune. Kostnaden på sjølve toalettbygget vert på om lag kr. 110.000, det vert forskottet av Fønnes Bygdelag med kr. 100.000. Austrheim kommune søker i 2021 om tippemidlar til dette tiltaket, dei kan tidlegast reknast inn frå 2022. Spelemidlar vert då mellomfinansierte med ca. 37.000 kr. Fønnes Bygdelag får tilbakebetalt forskottinga si i perioden i 2022/23. Kostnad totalt med ei ramme på inntil kr 110 000 vert finansiert frå investeringsbudsjettet 2023 og reduserer investering i vatn og avløp tilsvarande. Utanom dette vert finansiering opptil kr. 50.000 til grunnarbeid og kjøp og montering av tett tank til toalettet teke frå **Kommunevis fordeling av Regjeringa sin tiltakspakke**.

#### Formannskapet - 087/20 - 11.06.2020

#### FS - behandling:

Sakshandsamar Asbjørn Toft orienterte om saka.

Etter sist møte i formannskapet er denne saka kommen vidare til realisering.

Etter godkjenning frå rådmannen tar ein 50.000 kroner av tildelinga frå regjeringa i samband med Korona, til tett tank under toalettet.

Ser at det er 30.000 besøkande i 2019, og med dagsturhytte kan ein venta endå fleire. Då er det viktig å ha toalett på plass.

Når det gjeld drift av anlegget er det i utgangspunktet Austrheim kommune som skal ta dette, men administrasjonen vil ta kontakt med Bergen og Omland friluftsråd for å sjå om dei kan drifta anlegget parallelt med at dei driftar sine anlegg i Årvikane, på Øksnes med fleire.

Kommunen har i tillegg fått innspel på at det er behov for toalett ved kaien på Litlelindås, der det er problem med forsøpling. Har i første omgang tatt kontakt med Equinor der dei som brukar kaien til fiske, jobbar, og dette vert teke opp gjennom bedrifta.

Per Lerøy (Ap) sa at det er viktig å leggja til rette for at dei som brukar området kan gå på toalettet, no i første omgang på Vardetangen og i neste omgang eit tidsriktig venterom med toalett på hurtigbåtkaien på Vardetangen.

Bjørn Inge Haaland Dyrkolbotn (Sp) tok opp at det er ein del hundeposar langs stien til Vardetangen, der folk har plukka opp skiten, men så har lagt det igjen. Til dette sa Per Lerøy (Ap) at det må vera på plass både bospann og skilt med oppfordringar om å ta med seg hundeposane.

Inger Lise Brekke spurte om det kan informerast via nettside og på Facebook om korleis ein skal

oppføra seg med tanke på boss med meir. Møtesekretæren noterer seg dette.  
Handsaming i formannskapet:  
Samrøystes for rådmannens framlegg til vedtak

### **FS vedtak:**

Austrheim kommune etablerer universelt utforma toalettanlegg ved Dagsturhytta ved Vardetangen. Signering av kontrakt om leveranse og bygging av toalettanlegg vert gjort med leverandøren som får anbodet av Vestland fylkeskommune. Kostnaden på sjølve toalettbygget vert på om lag kr. 110.000, det vert forskottet av Fønnes Bygdela med kr. 100.000. Austrheim kommune søker i 2021 om tippemidlar til dette tiltaket, dei kan tidlegast reknast inn frå 2022. Spelemidlar vert då mellomfinansierte med ca. 37.000 kr. Fønnes Bygdela får tilbakebetalt forskottinga si i perioden i 2022/23. Kostnad totalt med ei ramme på inntil kr 110 000 vert finansiert frå investeringsbudsjettet 2023 og reduserer investering i vatn og avløp tilsvarande. Utanom dette vert finansiering opptil kr. 50.000 til grunnarbeid og kjøp og montering av tett tank til toalettet teke frå **Kommunevis fordeling av Regjeringa sin tiltakspakke**.

### **Saksopplysninger:**

Formannskapet tok opp tema knytt til etablering av toalettanlegg ved Dagsturhytta ved Vardetangen i møte den 27. mai 2020. Det knytt til at det er om lag 30.000 besøkjande til Vardetangen årleg, det er det vestlegaste fastlandspunktet i Norge. Det går turstiar til Vardetangen frå friluftsområdet ved Årvika, men og frå snøggåbåkaia på Vardetangen. Det er i dag toalett ved Årvika, men ikkje ved Vardetangen. Med ei dagsturhytta i dette området vil taket på besøkjande kunne gå kraftig opp. Behovet for eit toalett ved Vardetangen vart difor drøfta grundig på dette formannskapsmøtet. Litt historikk følger:

### **Kommunestyret vedtok den 30.04.2020 følgjande:**

*Austrheim kommune etablerer på gbnr. 131/277 og på kommunal grunn ei Dagsturhytte på opparbeidd plass ved Vardetangen. Avtale om tilsyn av hytta vert gjort med Fønnes Bygdela etter at byggjeløyvet her er formelt på plass. Signering av kontrakt om leveranse og bygging av Dagsturhytte i 2020 vert gjort med leverandøren som får anbodet av Vestland fylkeskommune. Kostnaden totalt med ei ramme på inntil kr 500 000 vert finansiert frå investeringsbudsjettet 2020 og reduserer investering i vann og avløp tilsvarande. Spelemidlar vert då mellomfinansierte med 333 000 kr. Spelemidlar er ikkje søkt enno, med kan tidlegast reknast inn frå 2022.*

### **Formannskapet gjorde følgjande vedtak den 27. mai 2020:**

*Austrheim kommune gjev på vilkår dispensasjon frå arealføremål i kommuneplanen og byggeforbodet i strandsona til bygging av Dagsturhytte på gbnr. 131/227 på Vardetangen:*

- 1. Vilkår er at hytta skal fjernast om den ikkje lenger skal nyttast som Dagsturhytte for ålmenta.*
- 2. Vilkår er at hytta ikkje kan nyttast som salsbod av noko slag.*

*Vedtaket om dispensasjon frå kommuneplanen sin arealdel godkjent den 11.04 i 2019 er heimla i*

plan-og bygningslova si § 19-2, jf. § 11-6 og naturmangfaldslova §§ 8-12.

Saka vert sendt Fylkesmannen i Vestland for klagevurdering.



**Toalettet kan plasserast på Austrheim kommune sin eigedom ved stikrysset i aust over.**

Formannskapet oppmoda administrasjonen i møte den 27. mai til å ta kontakt med Fonnes Bygdelag for å få hjelp med finansieringa av eit toaletbygg ved Vardetangen. Det vart gjort og den 29. mai 2020 fekk Austrheim kommune følgjande e-post og tilbakemelding frå Fonnes Bygdelag.

**Fra:** Øystein Austrheim <[ojsa@equinor.com](mailto:ojsa@equinor.com)>

**Dato:** 29. mai 2020 kl. 11:12:02 CEST

**Emne:** Dagsturhytte Vardetangen

**Hei**

**Viser til henvendelse om finansiering av toalett i tilknytning til dagsturhytta på Vardetangen. Fonnes Bygdelag har behandla saka i styremøte 28.05.20 og har gjort følgjande vedtak.**

**Fonnes bygdelag løyver inntil kr. 100.000.- til dette prosjektet. Austrheim kommune skal tilbakebetala beløpet i sin heilhet over ein periode på inntil 3 år frå utbetalingsdato.**

**Mvh Øystein Austrheim**

Austrheim kommune vil og informera om at det trengs noko midlar til grunnarbeid og kjøp og montering av tett tank under toalettbygget. Det kom fram i sist teamsmøte med fylkeskommunen at dette ikkje var teke med i anbudet frå leverandør av toalettbygget. Avdelingsleiar på teknisk drift Rolf Henning Myrmel har stipulert dette til om lag kr. 50.000 maksimalt. Administrasjonen var på synfaring her den 29. mai og har funne ei plasseringa av toalett som vil fungera godt og som er rimeleg å få på plass. Myrmel meiner at følgjande løyving frå Regjeringa løyvd den 29.05.2020 til mindre investeringar i nybygg/nyanlegg (toalett) som vist under kan finansiera dette arbeidet:

Ved behandlingen av Prop. 67 S (2019–2020) den 31. mars 2020 fatta Stortinget følgjande anmodningsvedtak, jf. Innst. 216 S (2019–2020):

**Vedtak nr. 462:**

*Stortinget ber regjeringen i samråd med KS komme tilbake til Stortinget med en endelig modell for hvordan tiltakspakken for aktivitetsfremmende tiltak fordeles.*

**Vedtak nr. 467:**

*Stortinget ber regjeringen vurdere å oppfordre kommunene til å igangsette planlagte vedlikeholdsprosjekt på offentlige bygg.*

Regjeringa har no **løyvd 1,3 mill. kroner** til eit øyremerka tilskot til Austrheim kommune til vedlikehald, rehabilitering og oppgradering av bygg og anlegg, men også til mindre investeringar i nybygg/nyanlegg. Tilskotet er eit eingangstilskot for 2020. Tilskotet vert gjeve til kommunane utan søknadsbehandling. I alt 2 mrd. kroner vert fordelt etter innbyggertal, medan 500 mill. kroner vart fordelt til kommunar med særleg høg arbeidsløyse.

Midlene skal brukas til prosjekt og tiltak som kjem i tillegg til alt vedtatte prosjekt i kommunen sin opprinnelege, vedtatte årsbudsjett for 2020. Prosjektene må vere satt i gong i løpet av 2020. Det vil ikkje verta stilt krav om kommunal eigenandel på prosjekta som vert finansieres med tilskotet.

**Vurdering:**

Rådmannen synes det er naturleg at Austrheim kommune etablerer universelt utforma toalettanlegg ved Dagsturhytta ved Vardetangen. Med så mange besøkjande til Vardetangen frå fjern og nær vert det stadig større behov for ei toalettløysing der. Utan dette på plass kan det hygieniske tilhøva på staden på sikt verta uhaldbart. Det er framover og eit mål og få på plass eit WC-tilbod ved venterommet på Vardetangen. Dette vert det arbeidd med. Til saman med toalettanlegget i Årvika vil ei toalettløysing ved kaien og varden ved Vardetangen kunne dette dekkja behovet for mange turgåarar framover. Toalettet er arkitektonisk tilpassa Dagsturhytta.

Rådmannen vil informera om at signering av kontrakt om leveranse og bygging av toalettanlegg vert gjort med leverandøren som får anbudet av Vestland fylkeskommune. Kostnaden på sjølve toalettbygget vert på om lag kr. 110.000. Rådmannen er takksam for at dette i stor grad vert

forskottert av Fønnes Bygdelag med kr. 100.000. Det at Austrheim kommune har eit lag som er så hjelpsam og positiv, og reagerer så raskt når dei får eit spørsmål om å kunne hjelpe kommunen sin er imponerende, etter rådmannen sitt syn. At dei tok eit ekstra styremøte den 28.05.2020 for å avgjera dette var imponerende.

Austrheim kommune skal søkja i 2021 om tippemidlar til dette tiltaket, desse tippemidlane kan tidlegast reknast inn frå 2022. Spelemidlar vert då mellomfinansierte med ca. 37.000 kr. Rådmannen synes det er naturleg at Fønnes Bygdelag får tilbakebetalt forskotteringa si i perioden 2022/23, det er i samsvar med det dei skriv i sin e-post. Kostnad totalt med ei ramme på inntil kr 110 000 vert finansiert frå investeringsbudsjettet 2023 og reduserer investering i vatn og avløp tilsvarande.

Utanom dette rår rådmannen til at opptil kr. 50.000 til vert teke frå kommunevis fordeling av Regjeringa sin tiltakspakke. Her fekk Austrheim kommune i mai 2020 tildelt totalt kr. 1,3 mill. Rådmannen synes det er heilt naturleg at Austrheim kommune brukar ein del av Regjeringa si tiltakspakke til toalettanlegget ved Vardetangen. Det er naturleg at grunnarbeid og tett tank til toalettet vert teke frå desse midlane, det er ein stipulert kostnad på omlag kr. 50.000. Dette vart ikkje kommunisert fram i sist møte, men no er dette avklart med fylkeskommunen at dette ikkje var ein del av toalettbygget. Det vil ikkje verta stilt krav om kommunal eigenandel på prosjekta som vert finansieres med dette tilskotet. Det er nok at arbeidet med toalettet vert igangsett i 2020 for at midlar kan takast frå denne løyvinga.

Plasseringa av toalett vert om lag 60 meter frå Dagsturhytta, det vert oppført ved gangstien som kjem frå Årvikane der den møter gangvegen til Vardetangen. Her er det lett for ein tømmebil å tømme toalettet og snuplass for bilen i nærleiken. Rådmannen synes plasseringa her er optimal i forhold til turgåarar som kjem frå ulike retningar. Avstanden her er og fornuftig i forhold til varden og turmålet på Vardetangen, men og i forhold til Dagsturhytta. Plasseringa er og diskre i forhold til kystlandskapet og den attraksjonen Vardetangen er som det vestlegaste fastlandspunktet i Norge.

### **Konklusjon:**

Austrheim kommune etablerer toalettanlegg ved Dagsturhytta ved Vardetangen. Finansieringa er vist i vedtaket.